

ხელშეკრულება სახელმწიფო შესყიდვის შესახებ №370102/93

წინამდებარე ხელშეკრულება დადებულია „ 2 ” მაისი 2013 წ.

1. ხელშეკრულებაშიგამოყენებულ ტერმინებსაქვეთშემდეგიმნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ-„ხელშეკრულება“) – „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე, შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არარის გათვალისწინებული.

2. ხელშეკრულების დამდები მხარეები

წინამდებარე ხელშეკრულება დადებულია:

ერთი მხრივ საქართველოს სოფლის მეურნეობის სამინისტროსა (შემდგომში „შემსყიდველი“)

და მეორეს მხრივ შპს „ჯი-თი მოტორს“ (შემდგომში „მიმწოდებელი“) შორის.

მდებარე იურიდიული მისამართი: ქ. თბილისი, ჩოლოყაშვილის 48 ბ.

ფაქტიური მისამართი: ქ. თბილისი, დ. აღმაშენებლის ხეივანი მე-12-ე კმ-ი.

3. ხელშეკრულების საგანი

ხელშეკრულების საგანს წარმოადგენს საქართველოს სოფლის მეურნეობის სამინისტროს ბალანსზე რიცხული, 2012-2013 წლებში გამოშვებული 54 ერთეული ავტომანქანის (შპს „ჯი-თი მოტორსის“ მხრიდან ვრცელდება საგარანტიო მომსახურების სერვისი, ავტომანქანების საიდენტიფიკაციო მონაცემები მოცემული დანართ N3-ში) ტექნიკური მომსახურების შესყიდვა (კოდი: 50110000) გამარტივებული შესყიდვის საშუალებით, საქართველოს მთავრობის 2011 წლის 21 იანვრის N26 დადგენილებისა და „სახელმწიფო შესყიდვების შესახებ“ საქართველოს კანონის მე-10 მუხლის მე-3 პუნქტის „თ“ ქვეპუნქტის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-3 მუხლის პირველი პუნქტის „თ“ ქვეპუნქტის საფუძველზე.

4. ხელშეკრულების ღირებულება

- 4.1. გასაწევი მომსახურების/საქონლის საერთო სავარაუდო ღირებულება შეადგენს 27000.00 (ოცდაშვიდი ათასი) ლარს საქართველოს კანონმდებლობით დადგენილი შესაბამისი გადასახადების გათვალისწინებით.
- 4.2. ხელშეკრულების საბოლოო ღირებულება განისაზღვრება ფაქტიურად გაწეული მომსახურების ფარგლებში გაფორმებული მიღება-ჩაბარების აქტების შესაბამისად.
- 4.3. გასაწევი სავალდებულო პერიოდული ტექნომსახურების ერთეულის ფასი და სავალდებულო გამოცხადების პერიოდულობის ვადები მოცემულია დანართ №1-ში (ფასების ცხრილი), რომელიც ხელშეკრულებასთან ერთად და მის განუყოფელ ნაწილს წარმოადგენს.
- 4.4. მიმწოდებელსა და შემსყიდველის წარმომადგენლის მიერ დათვალიერების აქტის შედგენის შემთხვევაში ხელშეკრულების დანართში არ არსებული დეტალის შეცვლის საჭიროების შემთხვევაში დეტალის და მომსახურების ფასი დგინდება მხარეთა შორის შეთანხმებით, საბაზრო ფასის გათვალისწინებით და მათი



ანაზღაურება მოხდება დათვალიერების აქტისა და შესრულებული სამუშაოს აქტის შესაბამისად. (სახელშეკრულებო ღირებულების შეუცვლელად).

5. მხარეთა უფლება-მოვალეობანი

5.1. მიმწოდებელი ვალდებულია მომსახურება გასწიოს ეტაპობრივად, შემსყიდველის მოთხოვნის შესაბამისად, ხელშეკრულების გაფორმების დღიდან - 2013 წლის 31 დეკემბრის ჩათვლით პერიოდში შემდეგ მისამართებზე:

ა) ქ. თბილისი, დ. აღმაშენებლის ხეივანი მე-12-ე კმ.

ბ) ქ. ბათუმი, სულხან-საბა ორბელიანის №7.

5.2. მიმწოდებელი პასუხისმგებელია გაწეული მომსახურების/საქონლის ხარისხსა და დროულობაზე. იგი ვალდებულია შემსყიდველის კუთვნილ ავტომობილებს მოემსახუროს ოპერატიულად და რიგგარეშე.

5.3. მიმწოდებელი ვალდებულია გაუწიოს შემსყიდველს დანართი N1-ით გათვალისწინებული სავალდებულო პერიოდული ტექნომსახურებით გათვალისწინებული/მოთხოვნილი მომსახურება/საქონელი შემდეგ ვადებში:

5.3.1. მომსახურების/საქონლის მიწოდება უნდა განხორციელდეს მიმწოდებლისა და შემსყიდველის წარმომადგენლების მიერ თითოეულ კონკრეტულ შემთხვევაში ავტოსატრანსპორტო საშუალებების დათვალიერების (დეფექტური) აქტის შედგენის შედეგად. გასაწევი ტექნიკური მომსახურების დეტალური აღწერა უნდა იყოს მოცემული შემსყიდველსა და მიმწოდებლის მიერ შედგენილი დეფექტურ აქტში. დეფექტური აქტი დგება ავტომობილის სერვისცენტრში მიყვანის დღეს, რაც თითოეულ კონკრეტულ შემთხვევაში მხარეთა მიერ თანხმდება წინასწარ.

5.3.2. მიმწოდებელი ვალდებულია დეფექტური აქტის შედგენიდან არაუმეტეს ორი კალენდარული დღის ვადაში უზრუნველყოს აქტით გათვალისწინებული ტექნიკური მომსახურების გაწევა. თუ მომსახურება ეხება დეფიციტურ დეტალს ან სამღებრო-სათუნუქე სამუშაოებს, და/ან საგარანტიო შემთხვევით არსებულ დეტალებსა და მომსახურებას, მიმწოდებელი უფლებამოსილია წერილობით შეატყობინოს ახალი, გონივრული ვადა.

5.4. მიმწოდებელმა მომსახურების გაწევის პროცესში უნდა გამოიყენოს ახალი და არა მეორადი სათადარიგო ნაწილები.

5.5. შემსყიდველი ორგანიზაცია ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას გაწეული მომსახურების ღირებულება.

5.6. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

6. მომსახურების მიღება-ჩაბარების წესი

6.1. მომსახურება გაწეული იქნება ეტაპობრივად, რაზედაც გაფორმდება შესაბამისი "მიღება-ჩაბარების" აქტები.

7. ხელშეკრულების შესრულების კონტროლი

7.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს საქართველოს სოფლის მეურნეობის მინისტრის შესაბამისი ბრძანების საფუძველზე გამოყოფილი კოორდინატორი.

7.2. მიმწოდებელი ვალდებულია საკუთარი სახსრებით თავად უზრუნველყოს ინსპექტირების შედეგად გამოვლენილი მიმწოდებლის მიერ მიწოდებული უხარისხო მომსახურებით გამოწვეული ხარვეზის გამოსწორება.

8. მომსახურების გაწევის პირობები, ხარისხი და გარანტია

8.1. მიმწოდებელი იძლევა გარანტიას, რომ მის მიერ გაწეული მომსახურება არ გამოავლენს ხარვეზებს და იქნება ხარისხიანი, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზის გამოსწორება. გარანტია ვრცელდება ამ ხელშეკრულების დანართი #2-ში მოცემული პირობებითა და ვადებით; დანართი #2 ერთვის ხელშეკრულებას და მის განუყოფელ ნაწილს წარმოადგენს. ამ პირობების, ასევე სავალდებულო პერიოდული ტექნომსახურების პერიოდულობის ვადების და პირობების (დანართი #1) დარღვევის შემთხვევაში მიმწოდებელი უფლებამოსილია ვადაზე ადრე შეაჩეროს საქარხნო გარანტია შესაბამის ავტომობილზე;

9. ანგარიშსწორება

9.1. ანგარიშსწორება მიმწოდებელთან განხორციელდება ლარებში.

9.2. ანგარიშსწორება განხორციელდება ყოველთვიურად, შესაბამისი "მიღება-ჩაბარების" აქტის გაფორმების შემდგომ, არაუგვიანეს 10 საბანკო დღისა;

9.3. ანგარიშსწორების ფორმა იქნება უნაღდო. გადარიცხვა მოხდებამიმწოდებლის საბანკო ანგარიშზე.

10. ფასები

10.1. წინამდებარე ხელშეკრულების მე-4 მუხლში დაფიქსირებული ფასი წარმოადგენს ხელშეკრულების ღირებულებით პარამეტრს, რომლის გაზრდა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11. ხელშეკრულებაში ცვლილებების შეტანა

11.1. ხელშეკრულების დამდებ არცერთ მხარეს არა აქვს უფლება ცალმხრივად შეცვალოს ხელშეკრულების პირობები.

11.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. უფლებების გადაცემა

12.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13. ფორს-მაჟორი

13.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

13.2. ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

14. მხარეთა პასუხისმგებლობა ხელშეკრულების პირობების დარღვევისათვის

14.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მხარეები პასუხს აგებენ საქართველოს მოქმედი კანონმდებლობის შესაბამისად.

14.2. ხელშეკრულებით ნაკისრი ვალდებულებების ვადაგადაცილებით შესრულების შემთხვევაში დამრღვევ მხარეს შესაძლოა დაეკისროს პირგასამტეხლოს გადახდა, - ყოველ ვადაგადაცილებულ დღეზე კონკრეტული გასაწევი მომსახურების/აუნაზღაურებელი თანხის ღირებულების 0.5%-ის ოდენობით.

14.3. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

14.4. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

15. ხელშეკრულების შეწყვეტა

15.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

15.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 5 დღით ადრე.

15.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15.4. ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

15.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) თუ მიმწოდებლის მხრიდან ადგილი ექნება მის მიერ ნაკისრი ვალდებულებების შეუსრულებლობას ან არაჯეროვნად შესრულებას

გ) საქართველოს კანონმდებლობით გათვალისწინებულ სხვა შემთხვევებში.

15.6. ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

16. დავების გადაწყვეტის წესი

16.1. ხელშეკრულების დამდები მხარეები თანხმდებიან მასზედ, რომ მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

16.2. თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

17. სხვა პირობები

17.1. წინამდებარე ხელშეკრულება ძალაშია ხელმოწერის დღიდან და მოქმედებს 2013 წლის 31 დეკემბრის ჩათვლით.

17.2. ხელშეკრულება შედგენილია ქართულ ენაზე ორ ეგზემპლარად და ორივეს აქვს თანაბარი იურიდიული ძალა.

შემსყიდველი ორგანიზაცია:

საქართველოს სოფლის მეურნეობის



ს/კ 203843010

მიმწოდებელი:

შპს „ჯი-თი მოტორს“



თემურ უსტიაშვილი

გენერალური დირექტორი

საბანკო რეკვიზიტები:

სს. „საქართველოს ბანკი“ ბ/კ BAGAGE22

ს/კ 206276340,

ანგ. № GE98BG0000000247624300

ფასების ცხრილი

გარბენი კმ.	დასახელება	სათადარიგო ნაწილები ლარი	შესასრულებე ლი სამუშაო ლარი
7500	ზეთი 4,3 ლიტრი Castrol 5w30	77.40	0.00
	ზეთის ფილტრი	17.70	
15000	ზეთი 4,3 ლიტრი Castrol 5w30	77.40	0.00
	ზეთის ფილტრი	17.70	
22500	ზეთი 4,3 ლიტრი Castrol 5w30	77.40	0.00
	ზეთის ფილტრი	17.70	
	ჰაერის ფილტრი	55.00	6.00
	წინა ხუნდები	190.00	28.00
30000	ზეთი 4,3 ლიტრი Castrol 5w30	77.40	0.00
	ზეთის ფილტრი	17.70	
	უკანა ხუნდები	160.00	40.00
	დინამოს ღვედის შემოწმება		0.00
	თვლის კუთხის (ნახარის) გასწორება		20.00
	გად. კოლოფის და რაზდატკის ზეთი 2,5 ლიტრი	87.50	30.00
	წინა და უკანა ხიდის ზეთი 2,85 ლიტრი	34.20	30.00

შენიშვნა:

1. ძრავის ზეთი იცვლება ყოველ 7500 კმ-ზე ან 6 თვეში ერთხელ. (რომელიც უფრო ადრე დადგება)
2. ხუნდების, საყრდენი დისკების და ჰაერის ფილტრის შეცვლა დამოკიდებულია მძღოლსა და გარემო პირობებზე
3. ყოველ 15000 კმ-ზე ხდება კრესტავინების, მორგვის საკისარის, ჩოხალის და სავალი ნაწილის შემოწმება
4. იმ შემთხვევაში თუ შემოწმების დროს გადაცემათა კოლოფში, რაზდატკაში ან ხიდებში აღმოჩნდება წყალი, მაშინ გადაცემათა კოლოფში, რაზდატკაში, წინა და უკანა ხიდებში ზეთის შეცვლა აუცილებელია.

შპს "ჯი თი მოტორსი"
გენერალური დირექტორი
თემურ უსტიაშვილი



ინფორმაცია გარანტიის ვადების და პირობების შესახებ

შპს «ჯი-თი მოტორსი» აძლევს შემყიდველს საქარხნო გარანტიას მიწოდებულსუზუკი ჯიმნის მარკის მაღალი გამავლობის ავტომანქანებზე 3 (სამი) წლის ვადით გადაცემის მომენტიდან ან 100 000 კმ გარბენზე, რომელიც უფრო ადრე დადგება. სერვისული და საგარანტიო მომსახურება განხორციელდება სერვის ცენტრებში: თბილისში, დაღმაშენებლის ხეივანის 12ე კმ და ბათუმში, სულხან საბა ორბელიანის 7-ში; საგარანტიო პერიოდში მიმწოდებელი, საქარხნო დევექტების აღმოჩენის შემთხვევაში, თავისი ხარჯებით ახდენს ავტომობილის შეკეთებას და მისი დეტალების შეცვლას; ამასთან, შემსყიდველი ვალდებულია საგარანტიო პერიოდის განმავლობაში ავტომობილს და აღჭურვილობას ნებისმიერი სახის ტექნიკური მომსახურება ჩაუტაროს და ნებისმიერი სათადარიგო ნაწილები შეიძინოს მხოლოდ შ.პ.ს. «ჯი-თი მოტორსი»-ის სერვის ცენტრში; საგარანტიო პერიოდში, დაიცვას კომპანიის სერვისში დადგენილი სავალდებულო პერიოდული მომსახურების პირობები და პერიოდულობის ვადები, ასევე უნდა განახორციელოს ზეთის სავალდებულო შეცვლა ყოველ 7 500 კმ გარბენზე; ზემოთაღნიშნულ მოთხოვნათა დარღვევის აღმოჩენის შემთხვევაში მიმწოდებელი უფლებამოსილია ვადაზე ადრე შეწყვიტოს გარანტია;

- გარანტია არ ვრცელდება სწრაფცვეთად ნაწილებზე: ზეთის, ჰაერის და საწვავის ფილტრები
- სამუხრუჭე ხუნდები და დისკები
- შეჭიდულობის ქურო, დისკი და მომჭიმი საკისარი (სცეპლენია)
- ელექტრო ნათურები
- გენერატორის და კონდიციონერის დეტალები
- საბურავები და სავალი ნაწილის გეომეტრიის კორექტირება (რაზვალ-სხოდი)
- შუშის საწმენდი ჯაგრისები
- სხვა დაზიანება, რომელიც არის გამოწვეული მძღოლის უხეში და გაუფრთხილებელი მოხმარების, როდესაც ავტომობილი გამოიყენება არასტანდარტული (მაგალითად სპორტული) მიზნებისთვის, როდესაც დაზიანებულ და მასთან მიზეზშედეგობრივად დაკავშირებულ ნაწილს აღენიშნება მექანიკური ან სხვაგვარი გარეგანი დაზიანების კვალი, გადატვირთვა (ავტომობილის მწარმოებლის მიერ დადგენილი ზღვრული ტვირთამწულობის გადამტეხების შემთხვევაში). საავტომობილო შემთხვევებით, შეჯახებით, ხანძრით ან აფეთქებით, ყინვის ზემოქმედებით გამოიწვეულ სათადარიგო ნაწილის დაზიანებაზე.
- მანქანის როგორც ელექტრო ენერგიის სტაციონარულ წყაროდ გამოყენების შედეგად გამოწვეულ დაზიანებებზე;
- ავტომობილის საქარხნო ელექტრო და მექანიკურ კომპონენტებში ცვლილებების შეტანის გამო გამოწვეულ დაზიანებაზე
- თვითნებურად დამონტაჟებული ნაწილებზე, რომლებიც სუზუკის მიერ არ არის დამონტაჟებული, მაგალითად, ბოჭკოვან ტელეფონებზე, სიგნალიზაციებზე, ავტომატური ჩართვის სისტემებზე და სხვა.
- წყალში ღრმად ტარების შედეგად გამოწვეულ დაზიანებებზე.
- მწარმოებლის სტანდარტებთან შეუსაბამო საწვავის, ზეთების, გამაგრებელი, სამუხრუჭე, ჰიდრავლიკის და სხვა სითხეების გამოყენების შედეგად გამოწვეულ დაზიანებებზე.
- გარბენის მრიცხველის ნებისმიერი მიზეზით გათიშვის ან ცვლილების შემთხვევაში ავტომობილი იხსნება გარანტიიდან ვადაზე ადრე.

მყიდველის მიერ საგარანტიო პირობების მოთხოვნების დარღვევის ან ავტომანქანების დალუქული დეტალების ლუქების დაზიანების აღმოჩენის შემთხვევაში, გამყიდველი უფლებამოსილია ვადაზე ადრე შეწყვიტოს მყიდველს საგარანტიო მომსახურების ვადა

გენერალური დირექტორი:
თ. უსტიაშვილი



N	ავტომობილის მარკა/მოდელი	სახელმწიფო N
1	SUZUKI JIMNY	WWO-336
2	SUZUKI JIMNY	WWO-346
3	SUZUKI JIMNY	WWO-323
4	SUZUKI JIMNY	WWO-347
5	SUZUKI JIMNY	WWO-319
6	SUZUKI JIMNY	WWO-350
7	SUZUKI JIMNY	WWO-325
8	SUZUKI JIMNY	WWO-321
9	SUZUKI JIMNY	WWO-316
10	SUZUKI JIMNY	WWO-340
11	SUZUKI JIMNY	WWO-341
12	SUZUKI JIMNY	WWO-344
13	SUZUKI JIMNY	WWO-348
14	SUZUKI JIMNY	WWO-370
15	SUZUKI JIMNY	WWO-357
16	SUZUKI JIMNY	WWO-359
17	SUZUKI JIMNY	WWO-332
18	SUZUKI JIMNY	WWO-317
19	SUZUKI JIMNY	WWO-320
20	SUZUKI JIMNY	WWO-355
21	SUZUKI JIMNY	WWO-358
22	SUZUKI JIMNY	WWO-318
23	SUZUKI JIMNY	WWO-354
24	SUZUKI JIMNY	WWO-361
25	SUZUKI JIMNY	WWO-326
26	SUZUKI JIMNY	WWO-322
27	SUZUKI JIMNY	WWO-362
28	SUZUKI JIMNY	WWO-364
29	SUZUKI JIMNY	WWO-335
30	SUZUKI JIMNY	WWO-334
31	SUZUKI JIMNY	WWO-324
32	SUZUKI JIMNY	WWO-327
33	SUZUKI JIMNY	WWO-328
34	SUZUKI JIMNY	WWO-329
35	SUZUKI JIMNY	WWO-330
36	SUZUKI JIMNY	WWO-331
37	SUZUKI JIMNY	WWO-337
38	SUZUKI JIMNY	WWO-338
39	SUZUKI JIMNY	WWO-339
40	SUZUKI JIMNY	WWO-342
41	SUZUKI JIMNY	WWO-343
42	SUZUKI JIMNY	WWO-345



43	SUZUKI JIMNY	WWO-349	
44	SUZUKI JIMNY	WWO-365	
45	SUZUKI JIMNY	WWO-366	
46	SUZUKI JIMNY	WWO-367	
47	SUZUKI JIMNY	WWO-368	
48	SUZUKI JIMNY	WWO-353	
49	SUZUKI JIMNY	WWO-363	
50	SUZUKI JIMNY	WWO-351	
51	SUZUKI JIMNY	WWO-369	
52	SUZUKI JIMNY	WWO-352	
53	SUZUKI JIMNY	WWO-356	
54	SUZUKI JIMNY	WWO-360	

შპს "ჯი-თი მოტორსის"
გენერალური დირექტორი
თ. უსტიაშვილი

